

ESITE

Papia gizec irec maṅṅao Juda ṅokac moc ere binaṅ qâreṅkekicne fokac, ṅokac zâṅene Esite. ṅokac e Juda mâreṅko mâcne, Perisia mâreṅko juwec. E Juda ṅokaczi Judaṅic âgofâc-ticne jaṅehec mâreṅ ira kâpâcwâru juwec hâcne.

Eme binaṅ-ticne râekicne fokac i gâcne manapene boc mi biankekac. Erâ Anuture zâṅe me dâṅ i papia irec maṅṅao wâc mi fuakac. Dâṅ gâcne izi mâc Judaṅic sahackopec eebapa-jeṅicte mumuteṅ dâṅ ekac. Ehame Judaṅic jaṅe mâsi wiac gâcne embiṅ i honepene qâpuc mâsi erâ mamakâcne ekac.

Gaṅne gaṅne dâṅ forakac ine kecziṅuc:

Esi 1—2. Ira Perisia ṅicwofuṅ Ahasiwero e Susa haeo juhuc ṅonâṅ-ticne zâṅene Wasiti e qaṅatara-ticnere erâ qaisockehuc jâperâ Juda ṅokac, Esite hâcne e ṅonâṅ-ticne rowec, irec dâṅ fokac.

Esi 3. Irece maṅṅao dâṅ â binaṅ kecziṅuc qâreṅkekicne fokac: ṅicwofuṅte micne sâko Hamaṅ e â micne âgofâc-ticne jaṅe Judaṅic râsi mâretece ejarerâ bomac-jopahuc bocjaha qâhâmoc-jopaniṅte mumupaṅ râembiṅ.

Esi 4—8. Esite e Judaṅic âgofâc-ticne jaṅere busâqoc manahuc ṅicwofuṅ ṅowe-ticne e mumupaṅ i bârârieocte, erâ micne sâko-ticne wâc beheocte mu qafeṅ ecnewec. Erâ i sawa mâcne, micne sâko ere âkehoc ine Judaṅic Morodekai e micne âkendâṅneocte âzâcnewec. Inṅuc ecnekume ṅicwofuṅzi

ɲonâɲ-ticnere dâɲ manahuc micne- ticne
 Hamanɲ beherâ ere âkehoc Morodekai micne
 âkendâɲnewec. Erâ mumupaɲ dâɲ râekicne
 i wâc mâmâc bârâriewec. Inuc eme Judaɲic
 jaɲe tâpirihec erâ okac babazu gie bambiɲ.
 Ehuc Hamanɲ bituambiɲ â Perisia ɲic bocjaha
 jâmbâɲ qâhâmoc-jopambiɲ. Inuc fuame
 Judaɲic jaɲe rambaɲ juhuc zeri sâko embiɲ.
 Erâ juku zâhec wiac irec manasuhuc jarane
 jarane hombaɲ-ticne ɲejumbienɲ. Hombaɲ
 zâɲene ine Purim mumbiɲ.

Nokac wofuɲ Wasitizi ɲicwofuɲte dâɲ qatarawec

¹ Wiac keczirec binaɲ bakicne i Ahasiwerozi India mârenkonec fuɲkerâ raku Etiopia mârenko tarakac, mârenɲ ɲondeɲ ira mârenɲ dâkâne dâkâne 127 forawec irec ɲicwofuɲ juha fuawec.

² ɲicwofuɲ Ahasiwero e dameɲ ira hae qizec-ticne Susa ira juhuc ɲicwofuɲ gie bawec. ³ Bahuc jume jara jahec â moc eha fekicnefâc-ticne â kiɲaɲ qaqaqâc-ticne erâ Perisia â Mede mârenkonec momori micne â mârenɲ dâkâne gâcne irec soɲaɲ micne jaɲe tiwâ bâzi qajareme fisiwec.

⁴ Ehame uucmaɲ-ticnere monenɲ mafa â ɲicwofuɲ juju-ticnere wiac furi sâko erâ eri qarawenɲ i jowatuhuc juhame zoaɲ gie bapa 180 tarawec.

⁵ Tarame ɲicwofuɲ e hae qizec-ticne Susa ira ɲic jufârembiɲ, fekicne â wahakicne jaɲere tiwâ bâzi moc ficticnere hae zoɲao qame fisiwec. Eme nâhuc juhapie zoaɲ gie bapa 7 tarawec.

⁶ Hae zoɲare qoruc ââketâc qaɲqaɲ â kenkenɲe

i muc hahamenje â âmuc âmucne izi finzun siliwazi bakicne ira basananjerâ qânâ wâtuŋko qetickembiŋ, ehuc fofo wiac gol â siliwazia bakicne i qânâ fuŋne fuŋne furi sâkozi hata bakicne irec qanjenao hepîe newec. ⁷ Wain opâ ine tase hawarine fuŋne fuŋne ira honkepie hume jarembiŋ; wain opâ i ŋicwofuŋ e rowan-ticnao bocjaha focnewecte buafec jaha jare gumec eme nâ gapec embiŋ. ⁸ Ŋicwofuŋ e ŋic jaŋe aŋac-jeŋicte sâc sawa wain opâ nâniŋte manasuhuc kiŋaŋ qaqaŋcne sâcmutâc ejareme irec sâcko jarehuc zoqac moc mi ejarembiŋ. ⁹ Eme ŋokac wofuŋ Wasiti e wâc iŋuc jaha ŋicwofuŋ Ahasiwero erific-ticnao ŋokac jaŋere tiwâ bâzi moc qame fisiwec.

¹⁰⁻¹¹ Zoan gie bapa 7 ira ine wain opâzi ŋicwofuŋ maŋticne bâsifuckeme zeri ehuc kiŋaŋ qaqaŋc-ticne fekiŋcne Mehumaŋ, Bireta, Harebona, Bigita, Abagita, Setari â Karikasi jaŋe ŋokac wofuŋ Wasiti e eridu-ticnehec ŋicwofuŋte maio jowa wareniŋte mutâcne-jarewec. Ŋokac e saha hawari-ticne biaŋne, irec ŋicwofuŋzi ŋic ŋokac jowatuocte manasuwec. ¹² Eme ŋokac wofuŋ Wasiti eki ine kiŋaŋ qaqa ŋic fekiŋcne jaŋe ŋicwofuŋte dâŋ âzâcnepie qatarawec. Iŋuc eme ŋicwofuŋ e maŋzoc-ticne fuame aaricke sâqorewec.

¹³ Eme ŋicwofuŋ e sâcmutâc dâŋ â ŋic ŋokac ee-bapa-jeŋicte fuŋne manambiŋ ŋic i jaŋe mu wioc ejare jujec, irec sâc jaha mamana ŋicfâc-ticne dameŋte fuŋne mana jumbien jaŋe mu wioc ejarewec. ¹⁴ Dameŋ ira ŋicwofuŋte maŋfuŋko Perisia â Mede mârenkonec mamana ŋic fe-

kicne 7 kecziñuc jañe jumbiñ: Karasena, Se-
 tari, Adamata, Tarasisi, Meresi, Maresena erâ
 Memukan. Jañe hâcne ñicwofuñ uucmañ-ticnere
 ñic fekicne juhuc ñicwofuñ iqicke jumbien. Irec
 jañe kecziñuc muhuc wio-jarewec: ¹⁵ “Ñokac
 wofuñ Wasiti e ñic fekicne jañe ñicwofuñ Ahasi-
 wero nore dâñ âzâcnepie qatarawec, irec e
 weninuc ecnehuc sâcmutâc dâñnâñecte sâcko
 bâtiñnenañmu?” ¹⁶ Inuc wio-jareme Memukan
 e ñicwofuñ â ñic fekicne jañere maio kecziñuc
 muwec: “Ñokac wofuñ Wasiti e ñicwofuñ sawa
 mâcne, ñic fekicne â ñic gâcne sasawa ñicwofuñ
 Ahasiwero uucmañ-ticnao jufârengopien jañe
 mâmâc bawahac-jopawec. ¹⁷ Ñokac wofuñzi
 mâsi ewec i ñokac sasawa jañe mana-fâreniñmu,
 ehuc ñowefâc-jeñic jañere manapie wawahane
 eha ziñuc muniñmu hâcne: ‘Ñicwofuñ Ahasi-
 wero e ñokac wofuñ Wasitizi mai-ticnao fuaocce
 mume dâñticne qatarawec.’ ¹⁸ Irec Perisia â
 Mede ñokac fekicne jañe miñecgac jaha ñokac
 wofuñzi mâsi ewec irec biñe manarâ ñic fe-
 kicne dâñbinañ ejarehuc mana wahac-jopapie
 aaric boc fuaocmu. ¹⁹ Irec ñicwofuñ, go man-
 atec sâccekacko ine Perisia â Medenñic jañere
 sâcmutâc fokac, sâcmutâc sanañ inucne moc
 kecziñuc muhuc hae sâc râetec razejec: Wa-
 siti e ñicwofuñ Ahasiwero nore maio mocwâc
 mi fuazejec. Go inuc erâ ñokac bianne moc
 ñeñetac-ticnao âkendâñnetec ñokac wofuñ erâ
 juzejec. ²⁰ Erâ ñicwofuñ go sâcmutâc râetec rarâ
 uucmañge sâcke-fâreme ñokac sasawa jañe ma-
 narâ ñowefâc-jeñic fekicne â wahakicne mâmâc

sâsec-jopa-fârenzepien.” ²¹ Eme ñicwofuñ â fekcic-
nefâc-ticne jañe dâñ i manarâ bubianñ manambinñ,
ehuc ñicwofuñ e Memukanñzi dâñ muwec irec
sâc ewec. ²² Ehuc mâreñ-ticnere dâkâne sasawa
ira papia râeme rafârewec. Ine mâreñ dâkâne
dâkâne qâreñ hawari-jeñic forawec â ñic ñokac
dâñmarac-jeñicte sâcko râeme rawec, i ñic sasawa
jañe ficjeñicte micne juhuc ñokacfâc-jeñic jañere
dâñ mutaraninñte inñuc ewec.

2

Esite e ñokac wofuñ âkendâñnekicne

¹ Juku zâhec ine ñicwofuñ Ahasiwero aaric-
ticne fâre wahame Wasitizi mâsi ewec irec
mecne â mumupañ dâñticne weninñuc mukicne
irec mâmâc manasuwec. ² Inñuc eme kinñañ
qaqafâcne jañe zinñuc âzâcnembinñ: “Ñicwofuñ, go
mutec naru zeñoñ hawari bianñ bâwosâec-jopapie
gore binñe junzeñienñ. ³ Erâ gokizia uucmanñgere
mâreñ dâkâne dâkâne forakac irec ñic micne
mucjopatec jañe naru zeñoñ hawari bianñ hâcne
bâtumañ-joparâ hae qizec Susa ira ñokacficko
guruc-jopanzeñienñ. Ehuc ñicwofuñte ñic fekcicne
Hegai ere meo râec-jopanzeñienñ. Eki hâcne ñokac
soñañ jukac. ⁴ Ehame ñokac zeñoñ e me e man-
acnetec sâckeħa Wasitire okacne ñokac wofuñ
âkendâñnezemec.” Dâñ inñuc mupie ñicwofuñzi
maname bianñkeħa inñuc ewec.

⁵ Eme Susa hae qizec ira Benjaminñte guruonec
Judañic moc juwec zâñene Morodekai; e Jairi
ere ñokâ, Jairi e ine Simeire ñokâ â Simeizi
Kisire ñokâ. ⁶ Morodekai e Babe ñicwofuñ

Nebukanezazi Juda ñic ñokac â ñicwofuñ-jenñic Jekonia kâpâcwâruo bacjopa rawec dameñ ira Jerusalem haeonec mâmâc barakicne. ⁷ Ñic eki mamac pitic-ticnere otâ Hadasa, Esite hâcne, e bekâ juwecte gume jowac ecneha sokawec. Naru e sahaç hawari-ticne biañne â gâjoñ sereñ. Neñgoc mamac jahec-ticne hâmpire Morodekaizi rorâ e jahacne otâ inucne bajuwec. ⁸ Eme ñicwofuñ e sâcmutâc dânñicne râeme rame naru zeñjoñ bocjaha bâtumañ-joparâ Susa hae qizecko Hegaire meo râec-jopambiñ dameñ ira Esite mâmâc ñicwofuñte ficko jowa rarâ ñokac soñjoñ juwec ere meoa râembiñ. ⁹ Hegai e ine naru ere maname biañkewec â sâckewec. Irec e wokemañ âsu biañ â nânâ wiac biañne afeckerâ râcnehuc kiñjoñ narufâcne 7 ñicwofuñte fickonec bâwosâec-joparâ râcnewec. Erâ naru e jahacne â kiñjoñ narufâcne jañe ñokacñic mañne biañnao râec-jopawec wâc. ¹⁰ Esite e Morodekaizi mic muac ecnewecte e jahacne âgo soctofafâc-ticne â qomâfâc-ticne mi mufuac-jopawec. ¹¹ Morodekai eki ine Esite wenñuc ehuc jukac irec fuñne manaocte zoañne zoañne ñokacñicte hae zoñao rac warec ehuc juwec.

¹² Naru zeñjoñ rocjopa jumbien jañe sahaç eemasañ gie bahuc juhapie mosa 12 tara jujec. Mosa 6 irec mañnao saife âsu â wokemañ rua jumbien â mosa 6 ira ine tokic â huc âsu rua jumbien. Eme juku gie i tarame ñicwofuñ Ahasiwerore maio buc buc fuanñte dameñ maicke jujec. ¹³ Ehamo naru moc e ñokacñicne wiac i me i barazo mume manacne jumbien. ¹⁴ Eme

naru jaŋe owâcne ŋicwofunŋe ficko fejubienj â furicte ine mocwâc waha jubienj. Waharâ ine ŋokacfic moc ŋicwofunj ŋokacfâc-ticne mamare jubienj ira rajubienj. Ŋokac i jaŋe ine ŋicwofunŋe ŋic fekicne Sasigazezi soŋaŋ-jopahuc juwec. Ehame naru jaŋe ŋicwofunŋtao kosa mocwâc mi rajubienj, e jahac mana-jareme biankeha zâŋe-jeŋic muhuc hefârec-jopame sâc ficticnao fejubienj.

¹⁵ Juku Morodekai e mamac pitic-ticne Ahibai ere otâ Esite hâcne, e jahacne otâ funfun tinac bajuwec e ŋicwofunŋtao feocte dameŋ-ticne maickewec. Eme Esite e maŋticnere wiac i me i ŋicwofunj ficko bafeocte mi muwec, mâc ŋicwofunŋe fekicne ŋokac soŋaŋ juwec, Hegai hâcne, eki âzâcnewec irec sâc sawa bafewec. Ehame Esite honembiŋ ŋic ŋokac i jaŋe sasawa manacnepie biankewec. ¹⁶ Eme ŋicwofunj Ahasiwero e gurinj bapa gie bahuc jume jare 7 eha mosa 10, Tebeti mosa hâcne, ira Esite ŋicwofunŋe ficko jowa fembiŋ. ¹⁷ Eme ŋicwofunj e ŋokac gâcne jaŋere aŋackewec irec sâc sirickehuc Esitere boc ecnewec; ehuc naru zeŋoŋ gâcne jaŋere maname wawahane eha Esitere maname fefene ewec. Irec ehâmocnehuc eri hendiŋ qizecnao hecneme hume Wasitire âkehoc ŋokac wofunj âkendânnewec. ¹⁸ Ŋicwofunj e inuc erâ Esite sâsehuc fekicne â kiŋaŋŋicfâc-ticne jaŋere tiwâ bâzi sâko moc game fisiwec. Ehuc mume mâreŋ-ticne dâkâne dâkâne forawec ira hombaŋ ŋehapie ŋicwofunzi bubiaŋ wiac aameo jarewec.

Râsidân fuame Morodekaizi mufuawec

19 Eme naru zenon mocwâc hefârec-jopapie arecne jajahec ewec damen ira Morodekaizi njicwofun fic motâcko njewec. 20 Esite eki ine Morodekaizi mutâcnecnewec irec sâc ehuc âgo soctofafâc-ticne â qomâfâc-ticne mi mufuac-jopawec. E juwicnao Morodekaihec juhuc micticne renke jujec irec sâc jaha renkewec. 21 Eme Morodekai e njicwofun fecte motâcko njewec damen ira njic fekcicne jajahec, Bigita â Teresi, jahe motâc sonon jupiczi aaric-jofame njicwofun Ahasiwero qâhâmozo mupic. 22 Ehame dânjekic i Morodekaire hazecko hume njokac wofun Esite âzâcnewec, eme Esite e Morodekaire micte njicwofun mufuacnewec. 23 Eme dânj irec fune bataninjerâ honepie fârine eme njic jahe jâcko bituac-jofambin. Êrâ irec dânj i njicwofunte maio Binaj Qâhâc papia qizecko qârenkembin.

3

Hamanzi Judanjic sipiric-jopaocte muwec

1 Eme wiac i tara-fâreme njicwofun Ahasiwero e Agagi njic Hamedatare njokâ Haman sâsehuc njic fekcicne gâcne ehac mâmâc jumbin janere micne âkendânjnewec. 2 Ehame njicwofunte kinanjicfâc sacmotâcko domambin jaje sasawa dienzi hecnehuc fodapecnembin; i njicwofunzi injuc eninte mutâcne-jarewec hâcne. Morodekaizi ine dienzi hecnehuc mi fodapecnnewec. 3 Injuc eme njicwofunte kinanjicfâc sacmotâcko domambin jaje zinuc wiocnembin: “Go wemocte njicwofunte dânj qatarakomec?” 4 Eme jaje zoanne zoanne injuc âzâcnepie Morodekaizi mi manawec. Eme

ere qaƣatara i okac tâmiric foocmu me okacnehec eocme irec fuŋne bataniŋkeniŋte Hamañ âzâcnembiŋ. Morodekaizi “No Judaŋic jukopac” iŋuc hâcne jazawec. ⁵ Eme Morodekai e dienzi henarehuc mi fodape-narekac, Hamañzi iŋuc honerâ aaricke sâqorewec. ⁶ Erâ ine Morodekai bucticne bâsiroweocte mi manasuweg. Hamañ e Morodekaizi Judaŋic jukac, iŋuc âzâcnepie manarâ Morodekai qomâfâc-ticne â âgo soctofâfâc-ticne Ahasiwerore uucmaŋko jumbiŋ jaŋe sasawa bâsirowec-jopa-fâreocte maŋkewec.

⁷ Ahasiwero e ŋicwofuŋ jume jara 12 eha mosa namba 1, mosa Nisaŋ hâcne, ira Hamañte maio ƣâsâi zâŋene Puru i qambiŋ. Erâ zoaŋne zoaŋne â mosane mosane ƣafekupie mosa 12, Adari mosa i hâcne wahawec. Ehame irec zoaŋ gie bapa 13 maickeme behembiŋ. ⁸ Behepie Hamañzi ŋicwofuŋ Ahasiwero ziŋuc âzâcnewec: “Uucmaŋgao mâreŋ dâkâne dâkâne forakac ira ŋic guru fuŋmoc jaŋe siŋsaŋ ƣarâ juŋgopieŋ jaŋere sâcmutâc dâŋ i ŋicguru gâcne nâŋâcne sâcmutâc fokac irec sâc aricne. Jaŋe ŋicwofuŋ gore sâcmutâc dâŋ mi reŋkeengopieŋ. Iŋuc ehuc juhapie go sifu mana-jaretec zuhuckerâ jupie mi sâckeocmu. ⁹ Irece go manatec sâckeha mumutara dâŋ ƣâreŋkerâ râetec rame bâsirowec-jopa-fârenzepieŋ. Ehame no siliwa monerŋ teŋ tausen ŋic gore monerŋ mafa wiac soŋaŋkeengopieŋ jaŋere meo râepe jaŋe gore monerŋ katapao behepie huzejec.” ¹⁰ Iŋuc mume ŋicwofuŋzi meo fefe-ticne manehac i batararâ Hamedatare ŋokâ Judaŋic jaŋere râsi juwec, Agagi ŋic Hamañ

hâcne, e râcnewec. ¹¹ Ehuc zîñuc âzâcnewec: “Moneñ i gore biñe, â ñic ñokac keci jañe gore biñe jaha, irec go gahac manakic sâc ejarezemec.”

¹² Eme mosa wân irec gie bapa 13 ira ñicwofun̄te qâreññic hetumañ-jopapie jañe Hamañzi mutâcnewec irec sâcko ñicwofun̄te mâreñ soñañ â guriñ bapafâc-ticne mâreñ dâkâne dâkâne jurambiñ erâ ñic gurune gurune fekicnefâc-jeñic jañere sâcmutâc dân moc qâreñkemiñ. Ehuc mâreñ dâkâne dâkâne ñic jurambiñ jañere qâreñ hawario â dânmaracko qâreñkemiñ. Sâcmutâc dân i ñicwofun̄ Ahasiwerore michte qâreñkerâ tataranao ere ma hemiñ. ¹³ Papiã i mosa namba 12, zâñene Adari, irec gie bapa 13 ira Judañic sasawa, kâcçene â piticne erâ ñokac naru motec bâsirowec-jopafârerâ mafa wiac-jeñic fiuckenin̄te kiñaññic jañe ñicwofun̄te michte mâreñ dâkâne dâkâne forawec ira picpac jaha barambiñ. ¹⁴ Ehame mâreñ dâkâne sâc irec ñic ñokac jañe zoañ damen̄ ira zawierâ juniñte sâcmutâc dânte papiã irec rehacne moc i hae sâc râepie rafârewec. ¹⁵ Eme hae qizecko sâcmutâc dân i ñic ñokac wose-jarehapie kiñaññic jañe ñicwofun̄te michte bârun̄ jaha hae sâc barambiñ hâcne. Ehame ñicwofun̄ â Hamañ jahe wain̄ opâ nâhuc ñehapire Susa hae rune jañe sâcmutâc dân i manarâ fâfâre sâqoremiñ.

4

Esitezî ñicfâc-ticne jañere dân ñicwofun̄ âzâcneocte mupañkewec

¹ Eme Morodekai e wiac sasawa fuawec irec biñe manarâ ñaqi-ticne bâsuckerâ maten qonañkerâ zafe ruawec. Erâ hae zâzâñiñko rarâ owackehuc kio ñâñâtâc ewec. ² Ehuc ñicwofun ficate sacmotâc funko ferâ domawec. Sacmotâc ira ine ñic jañe maten qonañkerâ moc mi fejumpien. ³ Ehame ñicwofunje sâcmutâc dân i mârenj dâkâne dâkâne ra fisiwec sâc ira Judañic jañere ñondenko ki busâqoc â uwâunja luarâ foha nânâ sowa jumpiñ, ehuc ñic bocjaha jañe maten qonañkerâ zafe rua-fârembiñ.

⁴ Eme ñokac wofun Esite e kiñañ naru â sonañfâc-ticne jañe fisirâ dân binañ ecnepie mañ kukumbuc boc ecnewec. Irece e Morodekaizi ñaqi moc heme huocte râeme rame qikiñnewec. ⁵ Inuc eme Esitezi ñicwofunje kiñaññic moc, zâñene Hataka e hefârerâ wiac weninuc fuawec irec fune manaocte Morodekairao soreme rawec. Nïc eki hâcne Esitere kiñañ qaocte mucnekicne. ⁶ Eme Hataka e Morodekaizi ñicwofun fic sacmotâc-ticnere hae zonao domawec ira rawec. ⁷ Ra fisime Morodekai e wiac sasawa fuacnewec irec dân âzâcne-fârewec, ehuc Judañic bâsirowec-jopaniñmu irec erâ Hamañzi ñicwofunje monen katapao monen wezimuc râeme huocte mupañkewec i mâmâc âzâcnewec. ⁸ Ehuc Judañic bâsirowec-jopazore Susa haeo sâcmutâc qârenketicne irec rehacne moc râcnewec wâc, i Esite jâuturâ fune âzâcne mutâc eme eki ñicfâc-ticne jañere erâ ñicwofuntao nunumu gie baocte inuc ewec. ⁹ Eme Hataka e Morodekaizi dân muwec i rarâ Esite âzâcne-fârewec. ¹⁰ Inuc eme Esitezi

Hataka dân kecziñuc muhuc Morodekairao soreme risiewec: ¹¹ “Ñicwofun̄te kiñan̄ñic â ñicwofun̄te mâreñ dâkâne dâkâne ñic juran̄gopien̄ jañe ziñuc mana-fâreñgopien̄: Ñic me ñokac moc e mi hefârehapie sifu ñicwofun̄te hae zoñao raziocmu e hâmo-jâmbân̄keocmu. Mocjaha, ñicwofun̄zi gunu-ticne golzi bakicne i ñic moctao sicneocmu e sawa akickeniñmu. No ine hefârecnupie ñicwofun̄tao mi fefe mâc juhape zoañ gie bapa 30 tarakac.” ¹² Eme Hataka â ñicfâc-ticne jañe Esitezi dân jazawec i Morodekai âzâcne-fârembiñ. ¹³ Âzâcnepie Esite dân kecziñuc bâतिकecneniñte jazawec: “Go ziñuc mi muzemec: Judañic sasawa jañe sipirickepie no ñicwofun̄te ficko jukopacte sâcne jupemu. ¹⁴ Manakic, go damen̄ zira dânemâc jucmuo ine Judañic gâcne nân̄ere babafic â babatara i mâreñ mockonec fua-nâreha go â mamacgere wiacfâc ñoñe ine sipiricke-fâreniñmu. Go damen̄ sâqocnao bafic-nâpocmurâ ñokac wofun̄ âkendân̄gukicne mecne.” ¹⁵ Eme Esite e dân i manarâ Morodekai ziñuc âzâcneniñte jazawec: ¹⁶ “Ajoc, go rarâ Susa haeo Judañic jun̄gopien̄ jañe hetuman̄-jopa-fâretec nore erâ sowa jun̄zepien̄, ehuc zoañko mecne ñafeo mecne nânâ opâ moc mi nâhuc juhapie zoañ gie bapa jahec â moc tarazejec. Ehame no â kiñan̄ narufâc-nane nân̄e wâc in̄uc jaha sowa junan̄mu. In̄uc epene tarame no sâcmutâc fokac i mana-bipiehuc sifu ñicwofun̄tao fezepac; eme irec erâ nuzo murâ nupie hâmozepac.” ¹⁷ Eme Morodekai e dân i manarâ ra Esitezi mutâcnecnewec irec sâc efarewec.

5

Esite e ñicwofuñ â Hamañ tiwâ bâzire hefârec-jofawec

¹ Eme zoañ gie bapa namba 3 ira Esitezi ñokac wofuñ ñaqi wiac-ticne heme hume ñicwofuñte fic ñifecnao hae zoña fowec ira ra domawec. Â ñicwofuñ e ine ficmañko motâc ocnuñcnao eri ñeñe-ticnao ñewec. ² Ehuc ñokac wofuñ Esite e hae zoñao domaha honerâ bubiañ manahuc gunu-ticne golzi bakicne bañewec i erao sicnewec. Inuc eme Esitezi mañfuñnao rarâ gunu tofanao bâuawec. ³ Eme ñicwofuñzi ziuñuc mu wioc ecnewec: “Ñokac wofuñ Esite, go wemo wiacte warerâ mukomec? Go wiac irec me irec egareme mutec garepemu. Me uucmañ-nane ñifecnere mutec wâc garepemu.” ⁴ Inuc mume Esitezi muwec: “Ñicwofuñ, go manatec sâckeha go gahacne â Hamañ ñohe gore tiwâ bâzi rike bâmoc epac i fârâ nânic.” ⁵ Eme ñicwofuñzi kiñaññicfâcne ziuñuc jazawec: “Ñoñe biac jaha Hamañ jowa warepie Esitezi mukac irec sâc ezeperec.” Eme ñicwofuñ â Hamañ jahe Esitezi tiwâ bâzi rike bâmoc ewec i rarâ nâpic. ⁶ Ehuc waiñ opâ nârâ ñehuc ñicwofuñzi Esite ziuñuc mu wioc ecnewec: “Go wemo wiacte numu-narekomec? Go wiac irec me irec egareme mutec garepemu. Me wemo wiacte mukomec? Go uucmañ-nane ñifecnere mutec wâc garepemu.” ⁷ Eme Esitezi kecziñuc muhuc âzâcnewec: “No ziuñuc muhuc numu-garekopac: ⁸ Ñicwofuñ, go nore manatec biauñkeme nunumu dânñanere manatec sâckekacko go gahacne â Hamañ ñohe

tomâcko tiwâ bâzi rike bâmoc epemu i ware nâzepirec. Ehame no damen ijaha dâŋ nazacmu irec sâc epemu.”

Morodekaire bibitua wâtun bambin

⁹ Eme Haman e zoan gie bapa ira zeri bari ehuc bubian faio hahata rawec. Raku ŋicwofunŋte sacmotâcko fisime Morodekaizi hone takirerâ qarac qarac qahuc ŋeweckonec mi faharewec. Inŋuc eme Hamanzi honerâ ere aaricke sâqorewec. ¹⁰ Erâ sifu aaric mana-bipiehuc ficticnao risiewec. Risierâ âgofâc-ticne â ŋonân-ŋ-ticne 3eresi jaŋe hefârec-jopame fisimbin. ¹¹ Fisipie Hamanzi moneŋ mafa sâko-ticne irec binaŋ mecne, ŋokâfâcne jaŋere binaŋ mecne erâ ŋicwofunŋzi sâsehuc zâŋe biŋe sâko tahackeme ŋic fekiŋcne â ŋicwofunŋte kiŋaŋŋic gâcne jaŋere sâc sirickewec irec binaŋ i mâmâc bajarewec. ¹² Ehuc zuhuckerâ ziŋuc jazawec: “Ŋokac wofun Esitezi ŋic e me e mâcne, no hâcne ŋicwofunŋhec tiwâ bâzi nanacte hefârec-nâfojec. Erâ tomâcko wâc inŋuc jaha ŋicwofunŋhec erao ranacte nâsâjec. ¹³ Ehame Judanŋic Morodekaizi ŋicwofunŋte sacmotâcko zuhuckerâ ŋeocmuo ine no sifu wiac irec manape fârine mi eocmu.” ¹⁴ Inŋuc jazame ŋonân-ŋ-ticne 3eresi â âgofâcne sasawa jaŋe ziŋuc âzâcnembin: “Go mutec bibitua wâtun moc kubi* ⁵⁰ irec sâc banzepien. Erâ tomâcko furicte ŋicwofunŋ âzâcnetec mume Morodekai bituanzepien. Inŋuc epie honerâ ŋicwofunŋhec tiwâ bâzi nâzore bubian faio razepirec.” Eme Haman

* **5:14:** 1 kubi i sâcmeta moc 18 inses me 46 senti meta irec sâc.

e dâñ i maname biankeha bibitua wâtun baniñte ñic jazawec.

6

Haman 3oqac ecnemie Morodekai sâsewec

¹ Eme ñicwofun e ñafe ira manhâhân ecneme gunqâri juwec, ehuc zoañne zoañne wiac fua wefuwec irec binañ qâhâc papia i mume bafisirâ wosecnembiñ. ² Wosecnehuc ine ñicwofunte kiñaññic fekicne jajahec, Bigitana â Teresi jahe motâc soñañ juhuc ñicwofun Ahasiwero qâhâmonicte mupire Morodekaizi manarâ mufuac-jofawec irec binañ wosecnembiñ hâcne. ³ Eme ñicwofunzi manarâ zñuc muhuc wiojarewec: “Morodekai e mufuac-jofawec irec erâ sâsehuc furine wemo wiac râcnekicne?” Inñuc wiome kiñañ qacnehuc jumbiñ jañe zñuc âzâcnembiñ: “Aricne, e wiac i me i moc mi râcnekicne.” ⁴ Mupie ñicwofunzi muwec: “Hae zoñao mozi ware domakac?” Wiowec damen ñondeñ ijaha Haman e kecziñuc manasuhuc ñicwofunte hae zoñao fisi domawec hâcne: No ñicwofun âzâcnepe mume bibitua wâtun bakicne ira Morodekai bituanzepien. ⁵ Irec kiñaññic jañe ñicwofun zñuc âzâcnembiñ: “Hamanzi ware hae zoñao domakac.” Inñuc âzâcnepie ñicwofunzi muwec: “Ecnemie wefuoc.” ⁶ Eme Haman e ficko feme ñicwofunzi dâñ kecziñuc muhuc wiocnewec: “Ñic moczi ñicwofun no sâsecnuzore afeckeme wenñuc ecnepe sâckeocmu?” Mume Haman e zñuc manasuwec: “Ñicwofun e ñic moc mâcne, no hâcne sâsecnuocte mukac.” ⁷ Inñuc manasuhuc

ņicwofuņ dāņ kecziņuc bātikiēcnewec: “O ñicwofuņ, go ñic sâsezo mukomec e ziņuc ecnetec sâckeocmu: ⁸ Go mutec ñicwofuņ ņaņi go gahac rojumeņ erâ becâsic eri hendiņ wiac-ticnehec go gahac bajumeņ i bawarenzepieņ. ⁹ Erâ ñicwofuņ gore kiņaņņic fekične moc râcnepie eki ine ñicwofuņ go ñic sâsezo mukic e hecneme huzejec. Ehame ñic e ecneme becâsicko ferâ ñehame barâ rahuc hahaņne barâ ziņuc muzejec: ‘Ñicwofuņzi ñic moc sâseocte afeckeme e iņuc hâcne ecnezo.’” ¹⁰ Iņuc mume ñicwofuņzi Hamaņ ziņuc âzâcnewec: “Ajoc, go mukomec irec sâc jâmbâņ ehuc ņaņi â becâsic rorâ Judaņic Morodekai nore sacmotâcko ñekac e râcnezemec. Go dâņ mume i efârezemec.” ¹¹ Eme Hamaņ e ņaņi wiac Morodekai hecneme huwec. Erâ ecneme becâsicko ferâ ñeha bâniecehuc hahaņne barâ dâņ ziņuc muwec: “Ñicwofuņzi ñic moc sâseocte afeckeme e iņuc hâcne ecnezo.”

¹² Iņuc epie tarame Morodekaizi ñicwofuņte sacmotâcko risiewec. Â Hamaņ eki ine zâņe mai-ticne bâsoņkerâ busâqoc manahuc ficticnao gasackerâ rawec. ¹³ Ra fisirâ wiac fuacnewec irec binaņ i ñoņâņ-ticne Žeresi â âgofâcne bajarewec. Bajareme âgofâcne â ñoņâņ-ticne Žeresi jaņe ziņuc âzâcnembiņ: “Go miņecgac Morodekaire maio fuņkerâ bawahacgukicne irec manac: E Judaņic fârine jukacko ine ere maio mocwâc sanaņkerâ mi domacmu.”

¹⁴ Jaņe Hamaņhec dâņ muha muhapie izia ñicwofuņte kiņaņņic fekične jaņe fisirâ, Esitezi tiwâ bâzi rike bâmoc ewec i nânicte bârui jaha

jowa rambiņ.

7

Hamaņ e dâņticne fâri tâmiric eha e jahacne bituambiņ

¹ Eme ņicwofuņ â Hamaņ jahe ņokac wofuņ Esite ehac tiwâ bâzi nânicte rapic. ² Erâ zoaņ namba 2 ira waiņ opâ nâhuc ņicwofuņzi Esite mocwâc ziņuc muhuc wiocnewec: “O ņokac wofuņ Esite, go wemo wiacte numu-narekomec? Go wiac irec me irec numu-naretec garepemu. Wemo wiacte mukomec? Go uucmaņ-nane ņifecnere mutec wâc garepemu.” ³ Iņuc mume ņokac wofuņ Esitezi dâņ ziņuc bâtikiecnawec: “O ņicwofuņ, go nore manatec sâcke bian ekacko ine nunumu-nanere erâ no nahac â ņicfâc-nane nâņe akic-nâpozemec. ⁴ Nâņe sipiric-nâporâ qâhâmoc-nâpohuc bâsirowec-nâponiņte furi bacnâpokicne hâcne. Nâņe moneņzi furi bacnâpohuc kiņaņ ņic ņokac sawa bacnâponzapiņ muzac irec dâņ moc mi muzapo, â zârâ hâriņ iņucnere erâ wemocko ņicwofuņ micneneņ ecnezapo.” ⁵ Iņuc mume ņicwofuņ Ahasiwero e ņokac wofuņ Esite ziņuc muhuc wiocnewec: “Mo ņiczi wena juhuc wiac iņucne ezo maņkekac?” Eme Esitezi muwec: “ņic repic qapicne keci Hamaņ hâcne eki râsi enârehuc iņuc ekac.” ⁶ Iņuc âzâcneme Hamaņ e ņicwofuņ â ņokac wofuņ jahere maio bipicne tarame qarac qarac qawec. ⁷ Ehame ņicwofuņ e aaric sâko manarâ tiwâ bâzi nâhuc ņembiņkonec faharerâ hae zoņao huwec; â Hamaņ e ine ficmaņkoa ņehuc, ņicwofuņ e wiac

hâhâwicne enareocmu iñuc manahuc Esitezi akickeocte numucnewec. ⁸ Eme ñicwofuñ e waiñ opâ nâhuc ñembiñko risierâ ziñuc honewec: Hamañ e Esite foweckoa waha fodapecnewec. Iñuc honerâ kecziñuc muwec: “Hâc, ñic keci e ficnaneoa ñokac wofuñ bâbieocte ekac me?” Ñicwofuñ e dâñ iñuc muha muha izia Hamañ zâñe maine qofackembiñ. ⁹ Iñuc epie ñicwofuñte kiñañ qahuc domambiñ jañeraonec moc zâñene Harebona e kecziñuc muwec: “Manañgopien, Morodekai e ñicwofuñte kiñañ bianne qawec, eme ere bibituare wâtuñ Hamañzi mume kubi 50 irec sâc biac bakicne i Hamañte hae zoñao wisepie huwec domakac.” ¹⁰ Ñic e iñuc mume ñicwofuñzi muwec: “Ajoc, ira bituaniñ.” Eme jañe Morodekaire bibitua wâtuñ bakicne ira hâcne Hamañ bituambiñ. Iñuc epie ñicwofuñte aaric fâre wahawec.

8

Judañic jañe sanañkehuc kisâfâc-jeñic bawa-hac-jopaniñte mana-jarekicne

¹ Eme zoañ ira ñicwofuñ Ahasiwero e Judañic jañere râsi, Hamañ hâcne, ere fic i ñokac wofuñ Esite râcne tahac ewec. Ehame Esitezi Morodekaire fuñne ñicwofuñ âzâcneme manarâ Morodekai hefâreme ñicwofuñte maio fuawec. ² Eme ñicwofuñ e meo fefe-ticne maqârenhec Hamañ jâoc rowec i meticnaonec rorâ Morodekai râcnewec. Eme Esitezi ine Hamañte fic irec soñañ Morodekai âkendâñnewec.

³ Esite e inuc erâ ñicwofunƷ fodapecnerâ kiohuc Agagi ñic HamaƷ e JudaƷic bâsirowec-jopaocete sâcmutâc dâƷ hehesicne bâfuawec i ñicwofunƷi bârârieocete numucnewec. ⁴ Inuc eme Ahasiwerozi ñicwofunƷ gunu-ticne golzi bakicne i Esiterao sicnewec. ⁵ Eme Esitezi faharerâ ñicwofunƷte maio domawec. Ehuc kecziƷuc âzâcnewec: “O ñicwofunƷ, go nore manatec biankeha dâƷ mukopac irec wâc manatec sâckeme ine mutec sâcmutâc dâƷ moc qâreƷkerâ râepie rarâ HamaƷte dâƷ qâsuazejec. Agagi ñic HamaƷ e Hamedatare ñokâzi hâcne ñicwofunƷ gore mâreƷ dâkâne dâkâne ira JudaƷic juranƷopieƷ jaƷe bâsirowec-jopa-fâreocete dâƷ qâreƷkeme rawec. ⁶ Eme zi ñicfâc-nane jaƷere faio wiac hâhâwicne fezo ekac i no hone manac erâ weniƷuc epemu, me soctofafâc-nane bâsirowec-jopapie no weniƷuc erâ sâcne jupemu?” ⁷ Inuc mume ñicwofunƷ Ahasiwerozi ñokac wofunƷ Esite â JudaƷic Morodekai ziƷuc jasawec: “Manakopirec, HamaƷ e JudaƷic bâsirowec-Ʒopaocete muwecte mupe bituambiƷ, erâ wâc ficticne i Esite go gare tahac epac. ⁸ Irece Ʒohe ñicwofunƷ nore zâƷeo âkehotahuc JudaƷic jaƷere dâƷ inuc me inuc moc qâreƷkezo murâ qâreƷkezepirec, ehuc nore maqâreƷ râezepirec. Sâcmutâc dâƷ moc i ñicwofunƷ nore zâƷeo âkehotahuc qâreƷkerâ maqâreƷ-nane râeniƷmu i mocwâc qâsuapie moc rârâene mi eocmu.”

⁹ ÑicwofunƷ e dâƷ inuc mutarame mosa namba 3, zâƷene SiwaƷ, irec gie bapa 23 ira qâreƷñicfâc-ticne hetumaƷ-jopambiƷ. Eme jaƷe Morodekaizi mutâcne-jarewec irec sâc JudaƷic

jaņere erâ sâcmutâc dân moc qâreņkembij. Ehuc India mâreņkonec fuņkerâ raku Etiopia mâreņko tarakac mâreņ ņondeņ ira mâreņ dâkâne dâkâne forawec irec soņaņ â guriņ bapa ņic â ņic fekicne jaņerao râepie rawec. Mâreņ dâkâne dâkâne forawec ine 127. Sâcmutâc dân i ine mâreņ dâkâne dâkâne ņic jurambij jaņere qâreņ hawario â dânmaracko qâreņkehuc Judaņic jaņere qâreņ hawario â dânmaracko wâc mâmâc qâreņkembij. ¹⁰ Papia i ņicwofuņ Ahasiwero ere zâņeo âkehotahuc qâreņkerâ ere maqâreņ mâmâc râembij. Eme sâcmutâc dân irec papia i becâsicko rara kiņaņņic jaņe gasacke sâqorehuc barambij. Becâsicfâc-jeņic jaņe ņicwofuņte becâsicfâc jumbij jaņeraonec. ¹¹ Sâcmutâc papia ira ņicwofuņzi Judaņic jaņe sanâņkerâ juju-jeņic ņezickeniņte mana-jarewec. Erâ i sawa mâcne, mâreņ dâkâne moc irec rune jaņe Judaņic râsi ejarehuc jopaniņte fisipie okacne bazu-jarehuc ņokac naru motecfâc-jeņic jaņehuc bâsirowec-jopa-fârehuc mafa wiac-jeņic wâc jowac roniņte mâmâc mana-jarewec. ¹² Wiac i ine ņicwofuņ Ahasiwero ere mâreņ dâkâne dâkâne forawec ira mosa namba 12, zâņene Adari, irec gie bapa 13 ira hâcne iņuc eniņte mukicne. ¹³ Erâ sâcmutâc dân qâreņkekicne irec rehacne moc moc mâreņ dâkâne forawec sâc ira râepie rame ņic ņokac wose-jarepie mananiņte mukicne. Ehame Judaņic jaņe zoaņ ijaha wâc zawierâ râsifâc-jeņic okacne bazu-jareniņte mukicne. ¹⁴ Dân iņuc qâreņke-fârerâ becâsicko rara kiņaņņic ņicwofuņte michte râec-jopapie

rambiņ. Ehame sâcmutâc dâņ i Susa hae qizecko ira wâc ņic ņokac mâmâc wose-jarembiņ.

¹⁵ Eme Morodekai e ņicwofuņ ņaņi keņkeņne â qaņqaņ, erâ golzi eri hendiņ bakicne â ņaņi sahačne moc qoruc hahameņne â âmuc âmucne i sasawa heme hume ņicwofuņte fickonec waha-hame Susa hae qizec irec rune jaņe ofac hecne-huc zeri bari embiņ. ¹⁶ Judaņic jaņerao wama fuame zâņe biņehēc erâ bubiaņ manahuc zeri embiņ hâcne. ¹⁷ Erâ mâreņ dâkâne dâkâne forawec â hae sâko ņerawec sâc ira ņicwofuņte mumutâc â sâcmutâc fisime Judaņic jaņerao zeri bubiaņ fuame hombaņ ņehuc tiwâ bâzi nâmbiņ. Ehame mâreņ irec ņic ņokac bocjaha jaņe Judaņic jaņere hâwic-jopame zĩņuc mumbiņ: Nâņe Judaņic jaha.

9

Judaņic jaņe râsifâc-jeņic bâsirowec-jopambiņ

¹ ņicwofuņte mumutâc â sâcmutâc i mosa namba 12, zâņene Adari irec zoaņ gie bapa 13 ira fârinehec eocte mukicne. Erâ ine Judaņic râsifâc-jeņic jaņe Judaņic bawahac-jopahuc jopa qâzâic ejareniņte mukicne zoaņ ira hâcne Judaņic jaņe râsifâc-jeņic bawahac-jopahuc jopa qâzâic ejareniņte mana-jarekicne. ² Ireç Judaņic jaņe zoaņ ira hâcne ņicwofuņ Ahasiwero ere mâreņ dâkâne dâkâne forawec ira hae-jeņic sâc tumaņnehuc râsifâc-jeņic jumbiņ ņic i jaņe hâcne bâsirowec-jopambiņ. Inuç epie ņic jaņe hâwic-jopame moczi moc mi sanaņkemiņ. ³ Ehame mâreņ dâkâne dâkâne irec ņic fekicne erâ mâreņ soņaņ â guriņ

bapa erâ ñicwofuñ kiafâc-ticne jañe Morodekai ere boc hâwic-jopame Judañic bafic-jopambin. ⁴ Morodekai e ñicwofuñte ficko ñic tâpiri sâkohec juwecte ere boc manapie feme zâñe biñe-ticne mâreñ dâkâne dâkâne hañ bawec. ⁵ Inuc fuame Judañic jañe râsifâc-jeñic zikazi jopa qâhâmoc ejarehuc, juwicnao qaisoc-jopambin ñic i jañe kosa qa imac ejarembin hâcne. ⁶ Ehuc Susa hae qizecko ine ñic 500 jopa miziembin. ⁷⁻¹⁰ Erâ Hamedatare ñokâ, Judañic jañere râsi qizec Hamañ hâcne, ere ñokâfâc 10 kecziñuc jañe wâc qâhâmoc-jopambin: Parasandata, Dalafon, Asipata, Porata, Adalia, Aridata, Pamasita, Arisai, Aridai erâ Wajezata. Judañic jañe inuc ehuc râsifâc-jeñic jañere mafa wiac ine sifu ro rauc mi embin.

¹¹ Eme Susa hae qizecko ñic qâhâmoc-jopakicne jañere zare i zoañ ijaha ñicwofuñ mufuacnembin. ¹² Inuc epie ñicwofuñzi ñokac wofuñ Esite kecziñuc âzâcnewec: “Judañic jañe Susa hae qizecko ñic 500 jopahuc Hamañ ñokâfâc-ticne 10 mâmâc qâhâmoc-jopambin. Jañe zira inuc ehuc ine nore mâreñ dâkâne dâkâne forakac ira weninuc embin? Erâ sifu go wiac irec me irec numu-naretec mana-garepemu.” ¹³ Inuc mume Esitezi muwec: “Ñicwofuñ, go manatec sâckekacko ine Susa haeo Judañic juñgopien jañe mana-jaretec zoañ zirec sâcmutâc fokac irec sâc jaha tomâcko wiac enzepien. Ehuc wâc mana-jaretec Hamañ ñokâfâc-ticne 10 bituac-jopanzipien.” ¹⁴ Âzâcneme ñicwofuñzi inuc hâcne fuaocce mutâcnewec, ehame Hamañ ñokâfâcne

10 bituac-jopambin. ¹⁵ Eme Judanjic jaņe mosa Adari irec zoaņ gie bapa 14 ira Susa haeo tumaņnehuc njic 300 mocwâc qâhâmoc-jopambin. Ehuc sifu mafa wiac-jeņic ine ro rauc moc mi embin.

Judanjic jaņe zeri hombaņ moc nembin

¹⁶ Judanjic gâcne njicwofunġte mâreņ dâkâne dâkâne forawec ira jumbin jaņe inuġc jaha juju-jeņic njezickeninġte tumaņnembin, ehuc qaisoc-jopambin njic i jaņe okacne bazu-jarehuc njic 75 tauseņ qâhâmoc-jopambin, mafa wiac-jeņic ine sifu ro rauc moc mi embin. ¹⁷ Wiac i mosa Adari irec zoaņ gie bapa 13 ira ekicne; zoaņ gie bapa 14 ira ine nemanarâ tiwâ bâzi nâhuc zeri bari embin. ¹⁸ Judanjic Susa haeo jumbin jaņe ine zoaņ gie bapa 13 â 14 ira mâmâc qâturerâ zika gie bambin. Erâ zoaņ 15 ira ine nemanarâ tiwâ bâzi nâhuc zeri bari embin. ¹⁹ Eme irec hâcne Judanjic hae pitic sâc zoricko juranġopien jaņe mosa Adari irec zoaņ gie bapa 14 ira hombaņ njerâ tiwâ bâzi nâ nareņ gareņ ehuc zeri bari eenġopien.

²⁰ Eme Morodekai e wiac fua-fârewec irec dâņ qâreņke-fârewec. Ehuc njicwofunġ Ahasiwero ere mâreņ dâkâne dâkâne bembenko me zoricko forawec ira Judanjic jumbin jaņerao papia râeme rafârewec. ²¹ E inuġc ehuc Judanjic jaņe jarane jarane mosa Adari irec zoaņ gie bapa 14 â 15 ira hombaņ neninġte mupaņke-jarewec. ²² Jaņe mosa â zoaņ gie bapa ira hâcne râsifâc-jeņic bawahac-jopapie zâic busâqoc-jeņiczi njerisieme zeri bubian bâfuambin, erâ ki busâqoc damen-jeņic herisierâ hombaņ damen fua-jarewec. Irec jaņe zoaņ ira

tiwâ bâzi nâhuc zeri bari eniņte â nânâ wiac bianņe nâ narenġarenġ ehuc hapetacfâc-jeņic wâc jare gumec eniņte jazawec.

²³ Judaņic jaņe Morodekaizi qârenġke-jarewec irec sâcko hombaņ ģembiņ iņuc jaha zuhuckerâ ģerahuc juniņte mupaņkemiņ. ²⁴ Jaņe Hamedata ģokâ-ticne, Judaņic jaņere râsi Agagi ģic Hamaņ, eki hâcne Judaņic jopa sipiric ejarehuc bâsirowec-jopaocce manasurâ qâsâi zâņene Puri qawec irec iņuc embiņ. ²⁵ Esitezi Hamaņte fuņne ģicwofuņ âzâcneme manarâ dân keczinuc mutâcnehuc qârenġkewec: Hamaņ e Judaņic wiac repicne ejareocce manasu biric ewec i ģerisierâ e jahacne faio fezejec, ehame e jahacne â ģokâfâcne jaņe mâmâc bibitua wâtuņko bituac-jopanzepieņ. ²⁶⁻²⁷ Eme Judaņic jaņe irec hâcne qâsâi zâņene Puri irec manasuhuc hombaņ-jeņicte zâņe Purim hombaņ mumiņ. Ehuc papiao dân sasawa qârenġkekiecne fowec, erâ wiac sasawa fua-jareme hone manac embiņ irec erâ â jaņe jaņacne â qâricfâc-jeņic erâ bâjâpecfâc-jeņic jaņere erâ mâmâc hombaņ i jarane jarane mumupaņte sâcko â damaņ mukicnao ģeniņte mupaņkemiņ wâc. ²⁸ Ehuc mimiņzi qâric fic sâc â hae sâc erâ mâreņ sâc hombaņ irec manasuhuc juhapie Judaņic ģondeņ-jeņicko Purim hombaņzi mi si-fuckeocce â qâricfâc-jeņic jaņe hombaņ irec wâc manasuhuc juniņte mâmâc mupaņkemiņ.

²⁹ Eme ģokac wofuņ Esite, Abihaire otâ hâcne, eki Judaņic Morodekaizi Purim hombaņte papia namba 2 qârenġkekiecne fowec i basanaņkeocce manacnehuc qârenġkewec. ³⁰ Ehuc wâc Ahasi-

werore uucmanjo mâreŋ dâkâne dâkâne 127
 ira Judanji sasawa jurambin jaŋerao wama â
 dân fâri gizecne fosanaŋkeocte papia râeme
 rawec. ³¹ I Morodekai â ñokac wofuŋ Esite
 jahe mutâcne-jarepire irec sâcko mecne, erâ jaŋe
 jaŋacne â qâricfâc-jeŋic jaŋere erâ sowa juju
 â ki busâqoc eere dameŋ mupaŋkembin irec
 sâcko mâmâc Purim hombaŋ i dameŋ-ticnao jaha
 ñeniŋte mu bâmoc ejarehuc qâreŋke-jarewec.
³² Ñokac wofuŋ Esitere sâcmutâc dân izi Purim
 hombaŋte dân i basanaŋkewec hâcne. Erâ dân i
 papiao wâc qâreŋkecicne fokac.

10

Morodekai e zâŋe biŋe sâkohec juwec

¹ Ñicwofuŋ Ahasiwero e mâreŋ rune â
 hâwecmecko ñic jurambin jaŋe sahaç taha
 moneŋ râeniŋte mutâcne-jarewec. ² Â ñicwofuŋ
 gie-ticnere â tâpiri-ticnere dân, erâ Morodekai
 bafahareme zâŋe biŋe sâkohec ewec irec binaŋ i
 furu jaha Mede â Perisia ñicwofuŋ jaŋere Binaŋ
 Qâhâc papiao qâreŋkecicne fokac. ³ Morodekai
 e ñicwofuŋ Ahasiwero ere mefâro juwec hâcne.
 Ehuc ñicfâc-ticne jaŋerao juju hâmo fuarâ foocte
 giene bahuc juwec, erâ wamadân sawa jazahuc
 juwec. Ireç Judanji qomâfâc-ticne sasawa jaŋe e
 sâsehuc manacnepie boc fejâmbâŋkewec.

Kâte Bible
The Holy Bible in the Kâte language of Papua New Guinea
Buk Baibel long tokples Kate long Niugini

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-11-22

PDF generated using Haiola and XeLaTeX on 11 Nov 2022 from source files dated 30 Nov 2021

76869875-8293-5126-8b67-c576c145ac3c